


Vantive navo vahepa shihoro



✎ Kandume Ruusa, Sennobia-Charon
Katjiuongua, Elias Nghtewa
✎ Jamanovandu Urike
📄
5
Manyo



Global Storybooks


globalstorybooks.net

Vantive navo vahepa shihoro


✎ Kandume Ruusa, Sennobia-Charon
Katjiuongua, Elias Nghtewa
✎ Jamanovandu Urike
📄




This work is licensed under a Creative Commons
[Attribution-NonCommercial-ShareAlike 4.0
International License](https://creativecommons.org/licenses/by-nc-sa/4.0).
<https://creativecommons.org/licenses/by-nc-sa/4.0>




Kehe ngurangura Hilifa karambukanga a wapayikire vawina mukushuko. Kwavera unene ngoli Hilifa akushongerako ashi weni mwakuvhura kupakera mbiri vawina ntani nanaumwendi. Opo vakalire vawina ashi uvera una deke kapi vana kuvhura kurambuka uye kavankedanga mundiro mposhi a yenyekere vawina koshiva. Katwaranga koshiva kwavawina kumwe nakuva pikira vitima vyamukushuko. Maruvede ghamwe vawina kapi kava karanga nankondo dakulya. Hilifa a kalire nashinka shakwa vawina. Vashe kwadohorokire muruku rwamaka mbiri dina kapito po, ano ntantani vawina navo kuna kuvera ngundu. Va tongamine unene, yira moomo nka tupu vyashokire kuvashe.




Muruku rwalitamu nkwiwendikave
navawinaghona Muzaa va mu vatilire Hilifia
kurongera vininke vavitware kuOshakati.
kunuu, kwa tatililire shankondo-mumukara na
muholi wendi wamupe, "va mu tantilire. " Nga
tu kupangarera mbiri yira monarume
wanaghummwetu. " Hilifia a shuvu ngoli mundi
unya nko kukaronda kumwe navo
mushihauto.




Ngurangura yimwe a pura vawina, "vinke vina
limbo po yina? Tuvade ke ngamu kara
hashako? Kapi nka muna kuterayika. Kapi nka
muna kuyenga kumafuva nakukenita
mundjugho. Kapi nka ndongereranga shibaki
shande, ndi kukusha mudwato wande
washure..." "Hilifia monande, mwaka doye ne
ntane tupu ngoli kuna kuvhura kumpakera
mbiri kare. " Ava mu kenge mumatighona
uno, nakukupura ashi va mu tantra. kuvhura a
vi kwate lighano ndi? " Ame kuna kuvera
unene. Wa yuva rumwe kuradio uvera wa
AIDS. Ogho uvera ngo na kara nagho, "Ava
mutantere. Hilifia a mwena tanke kadidi. " Vino
kuna kutanta ashi nanwe nga mu fa yira
vavava ndi? " "Kundereko vyakuvhura
kupangita AIDS."




Hilifa nko kuyenda kushure nawa-nawa. Kapi a vhulire kukupakera nka a danaghuke ndi a yende navaghunyendi kayendanga navo. "Vinke vina limbo po?" Ava mu pira. Ene ngoli Hilifia kapi alimburulire, nkango davawina tupu dina kungcoroka Kumari ghendi, "kwato kuveruka. Kwadto kuveruka." Weni nga ku pakera mbiri ntjeneshi ngava dohoroke vawina, a kudivikilire. Kuni oko nga wananga vimaliva vya ndya?




Palitamu Hilifia a yendi munkirishe Hilifia a yendi kumeho a tantere mbunga vyakuhama kuvawina. " Vanane vaholire ntani nka ntekulire nawa. Kava ntanteranga ashi ni dameke kukushonga mposhi ngani Kawane virughana vyaviwa. Vantjaninine ruhafo. Ngani dameka kukushonga nakudameka kurughana mposhi ngava kuyuva mfumwa.




Hilifa a shungiri kuntjishhe yendi. A vyukuruka kupitita nyara yendi mumufa washipirangi shakutaghuka, "kwato kuveruka. kwato kuveruka." "Hilifia? Hilifia, kumwe natwe una kara ndi?" Hilifia a kanukuka. Mushongikadi Nelao kwaya yimane kume ho yendi. "Shapuka Hilifia, weno omo lina kara lipuro lyande? Hilifia a kurumana a kengere kumpadi dendi. " Kapi u wana po lilimburo palivo opoi" A twikiri kughamba. "Magano, mu tatantere lilimburo Hilifia." Hilifia a kuyuvire ntjoni-ntjoni, mushongikadi Nelago nda a mu harukire.




Vanane ghona Muzaa shana vagenda navantje. Nkwirikwend! Kave a tantere Hilifia ashi ngava mu pitura ngava yende kuOshakati muruku rwalitam. Vanyakulyendi vavakafumu ava mu timwiti shitimwitera shakuhamena kuvawina opo vakalire ashi vavo shimpe vakadona.




Hilifa kapitanga muudido pangurangura.
Parufugho kashungiranga
munkondashongero. "Tjutju nakuyuva
mulipumba," mo kakonganga vaholi vendindi.
Kapi kava katanga vipempa vyavinene, kapi
kaveranga, ntani nashinka shendi
shamaghadaro kundunduma mumutwe wendi
yira mpuka daugara. Mushongikadi Nelao
kamukenganga tupu mushiporepore. Amu
pura ashi udito munke a kalire nagho. "Kwato"
a limburura. Matwi ghendi ayuvire kughaya na
likudivikiro muliywi yendi. Mantjo ghendi a
monine ghoma oghe a kambadalire kuhoreka.




Mbudi ayi kuhana wangu-wangu ashi vanane
Ndapanda vana dohoroka. Mumundi amuya
yura ngoli valikoro, vamaparambo vanaholi.
Ava raperere ngoli vawina vaHalifa kumwe
kuyimba ntjumo. Ava ghambaura ngoli
kuhamena vyaviwa kutwara omo va mu yivire.




Opo a shetekire Halifa kurughana virughana
vyendi vyavivarero nomora adi kuposho
mumutwe wendi. Kapi a vhulire kudituika a
divarure nawa. Kadidi tupu makura a kutapa.
A vuruka nakughayara vawina. Nyara dendi
adi vareke kufaneka magjayadaro ghendi. A
faneka vawina mumbete yavo. A kufaneka
mwene ana yimana kuntere yambira
yavawina. "Mukengeli wamuvanu, pongayika
mbapira nadinge," a ghamba mushongikadi
Nelao. Hilifa ntani ngoli ana kumona mafano
mumbapira yendi nko kukambadara ashi a
taghuremo penapepa yinya, ene ngoli a
hulilire unene. Mukengeli a ghupu nakutwara
mbapira dinya kwamushongikadi Nelao.




Hilifa a dukiri kuvamaparambo. "Vanane.
Vanane. Kapi vana rambuka," a liri.
Vamaparambo ava yendi kumundi naHalifa
ava kawana ashi vanane Ndapanda mumbete
yavo: "Vana dohoroka, Hilifa," ava ghamba
narugvo.




Mushingikadi Nelao a kenge pavyo a fanayikire. Opo va rypaghukire vanuke vayendayende kumandi makura a muyita, "Hilifa yiya kuno. Na shana nighambe nove." Udito munke una karo po?" A mu pura naliywi lyakughomoka. "Vanane kuna kuvera. Kava ntatntere ashi vakara na AIDS. Ngava fa ndi?" "Kapi niyiva, Halifa, ene ngoli kuna kuvera unene ntjeneshi vana kara na AIDS. Kundereko kuveruka. " Nkango odo nka," nakuverukashi. "Hilifa a vareke kulira. Kayende kumundi, Hilifa," a ghamba. "Ngnaiya vadingurako nganiya va dingureko vanyoko."




Liyuva lyakuhulilira lyashure mushuvaka Hilifa a hafire unene. A duka ayende kumundi aka neghede vawina ndjapo yendi. A duka dogoro mulirapa kumwe nakuyiyira, "yina, yina. Kenge nu ndjapo yende. Na wana 'A', 'A', ntani 'A' dadiyingi." Hilifa kwaya wanine vawina vana gharama paghuro. "Yina!" A yiyiri. "Yina! Rambukenu!" Kapi va vhulire kurambuka.




Hilifa a yendi kumundi a kawana vawina kuna
kitereka muyusha. "Na nakuterekere
muyusha namuntji, Hilifa, ene ngoli na roroka
shiri unene. Pakera mbiri kapata kalividi ntani
u tware ko madamate ghamwe kushitora.
kuva kaghatughilitira. " Muruku rwa muyusha
Hilifa ayendi mushipata shalividi. A kenge
kuruvara rwakurwedima rwa livid, madate
ghamagheha nandungu, makunde ghamare
ghashimamahako na spinatji gha
shinamaghako shaushovagani, mahako
ghashimahako ghakavandja na lipungu lyalire
lyashinaghungorodo. A tekere mushipata
makura a damuna ntjako yaluyura yamade
ghakupya a tware kushitora. " Vinke ngavi
shoroko kushipata shavo ntjeneshi vawina
ngava dohoroke?" A ghayadara.




Mushongikadi Nelao naye nka a tentere
vamabarambo va Hilifa ashi kuna kupakera
mbiri vawina. Va mu huguvalitire kumuvatera.
kehe ngurova mumaparambo peke kayanga
nandya dadipyu mposhi vaya Iye. Hilifa kehe
pano kavapanga lividi lyamushipata shavo.




Mushongikadi Nelao aya tiki wangu kuruku opo ayendire Hilifa. A ghupire shirugho shashire mukugambagtura navawina. A pura vawina vaHilifa, “Vanane Ndapanda, kuna kuna kunwanga mutondo wenu waAIDS ndi?” “Kutunda opo a dihoroka nturaghumbo yande na kara nantjoni yakuyenda nka kuvandokotora,” a va mu tantere mushongikad Nelao. “Ame kwa huguvara ashi kapi na ghukaghura uvera. Opo navalikire kuvera ntani ngoli n ayendire kwandokotora aka ntantera ashi nakuliliri unene. Mutondo kapi nka ngauvhura munkwafa.” Mushongikadi Nelao a tantere vanane Ndapanda ashi vinke vyakurughana mposhi mukuvatera Hilifa.




Shitengeyuva shinya Mgano aya vayere Hilifa kuveta mema. Hidipo amu vatare kukatjava vikuni. Ava shungiri mumndulye waugongo kumwe nakurughana virughanatapo vyavo vyakushure.




Opo a yire kumundi Halifa vawina a mu pura,
“Halifa, monande, na shana tuyedarepo.
kumbatera ndi?” Halifa a kwatere livo
iyavawina vavo ava muyeghamene. Ava yendi
oko kwa menino vitondo vyamiya vyavire. Ava
mu pura, “Una kuvuruka opo kamudanenako
mbara yakutanga kuno kumwe nashiro shiy
kunu? A ghu tanga mbara makura
ayikapatamena mumiya. Vasho ava kondjo
kuyi mu patumwina mo.




Opo aka tikire kumundi Halifa a aka tantera
vawina oyo ana kakushongire kushure liyava
liya. “Mushongikadi Nelao ana katushonga
vya kuhamena ku HIV na AIDS ntani weni
mwakupakera mbiri murwana ogho ana
kuvero. Magano na Hidipo kuvaya mbaterako
kurughana virughana vyande mumundi ntani
shimpe nka kutuya rughana kumwe
virughanapo vyetu vyakushure,” ava tantere.




“Kenaga, shishwa shamandjembere shinya. Kanyange ko ghamwe tupiture kumundi.” Hilifa opo a nyangire ghushuka umwe weno waghutovali, ava ghamba, “ Kuna kuvuruka opo wakalire ove shimpe u musheshughona kaunyanda ushuka nantanga dagho damunda. Kapi kaghu yendanga kukashayishe ure washivike nashintje.” “Nhii, lipumba lyande kali kornaga,” A vhuruka Hilifa, uye kuna kushepa.




“Vinke vyakurughana ntjeneshi una kawana?” A pura Magana. “Yaro, una hepa ngoli kukupangera mbiri ntani una hepa kulya ndya daukenaguki. Kenga pano palifano lyentu lyandya,” a ghamba. “Are ana kuvuruko ashi ndya munke dadiwa koye?” A pura.



Opo vaka tikire kumundi vawina vaHilifa va
rorokire ngundu. Hilifa a yendenyeke tiye.
Vaname Ndapanda ava ghupu kambangu
kakadidi munda yauro wavo. "Hilifa, oshino
shoye. Mushimbangu shino munakara ovyo
ngavi kuvatero uyive oko wa tunda.




Makura ava negheda lifano. "Odino ndo ndjira
odo u pira kuwana HIV, " a va tantere. "kapi
ngau wana HIV pakurughanita kandjughho, ndi
kurughanita livango lyakuyoghane na kumwe.
kukumamatera, kukuncumita ndi kukumorora
mulivoko na murwana ogho a karo na HIV ndi
AIDS shimpe una kara mulipopero. Shimpe
viwawa tupu mkurughanira mukwe ndi kulya
shisha shisha shimwe na murwana gho ana
karo na HIV ndi AIDS. Kapi u vhura kuyi wana
kwamurwana pakukotora ndi pakuwetjimita.
Ntani nka kapi u kawana pakukushuma mwe
ndi pakukushuma vimbumburu peke.




tantere.


Ava ghumbu vingurumba mushimbangu
shimwe nashimwe. “olino lifano lyavasho vana
kukwaterere. Ove kwalire monarume wendi
wambeli. Lifano lino mpopo nakutwalire
kuvanyakulypye vaka kumoneko, va hafire
shiri unene. Olini ndyo liyegho lyoye
lyakuhova oyo wakukire. Kuna kuvuruka ashi
weni omo walilire makura ame ani
kutwenyidiri ashi shimpe ngaghaya ko
ghamwe ghamayingi. Oshino ntjo shiranda
vampire vasho opo twalire atwe tuna kara
munkwara dendi ure wamwaka umwe tupu.”




Hilifa a kwatere shimbangu nko kuvareka
kulira. Vawina ava mu kwatere nko
kuraperera, "Karunga ndi a popere kumwe
nkukunga." Vano kuna mukwatere okuno
pakughambanga. "Hilifa, monande. Una yiva
ashi ame kuna kuvera unene, ntantani tupu
ngani wane vasho. Kapi na shana uyune.
Kuvuruka shi weni omo na kuhora. Vuruka
ashi weno vakuholire vasho."



Mushongikadi Nelao a fwaturuire ndjira
dimwe dakuvhura kughaura kambumburu.
"Ntjeneshi murwana umwe ana kara na
kamburumburu ka HIV ndi AIDS kuvhura
kuwana kambumburu muhonde yavo. Kapishi!
kurughanita kavemba oko ana rughanita kare
unoye ndi mukuyare shitondo
shakukuputjita mayegho. Ntjeneshi kua
kutomona kumatwi, tuna hepa kurughanita
tovemba oto vateroka muruku rwaku
turughanita ndi ndi ntonga. "A fwaturura ashi
weni mwakuvhura kutereka ntonga na
tovemba muruku rwakuturughanita.
"Ntjeneshi tuna kuremke naumwetu
kukarapo hinde mposhi tuna hepa kutantera
vakurona vakuyure shironda. Tuna kepa
kudinga shironda muku shipopera," ava



Vawina ava twikiri, “Nkwirikoye Kave ngatu tuminanga maliva ntjeneshi ana vhuru. A ntantera ashi nga kupakera mbiri. Na vi mutantera kare. Ngauyendanga kushure na Kunuu, mondendi. Kunuu kuna kara muntambondunge ya 4 yira ove nka. Ngava kupakera nawa mbiri.” Na hora nkwirikwande Kunuu navangumweyi Muzaa, “A ghamba Hilifa. “ Ntani na hora kudanura na Kunuu. Ndi nga mu kara nawa ntjeneshi nga mupakere mbiri? “Hawe, monande. I kapi ngai kara nawa. Ove kumpakera nawa mbiri. Na kara namfumwa muku kara namonde wamuwa ngoweyo.”



Ngurangura yakukwamako mushongikadi Nelao a shongire vyakuhamena HIV na AIDS. Vanuke vaklire nautjirwe. Vano kwayuvanga uvera uvera uno kuradio, ene ngoli naumweshi kavighamburango mumundi. “Kuni watunda” A pura Magano. “ Weni omo twaghuwananga?” A pura Hidipo. Mushongikadi Nelao a fwaturura ashi HIV ne lidina lyakambumburu. Ntjeneshi murwana a kara na kambumburu muhonde yendi shimpe kumoneka mukangure. “ Atwe kurenka ashi vana kara na AIDS ntjeneshi ava vareke ngoli kuvera.”